



IZVJEŠTAJ O ODRŽANIM KONSULTACIJAMA SA ZAINTERESIRANOM JAVNOŠĆU

TEMA Strategija za borbu protiv korupcije 2024-2028 i Akcijski plan za provedbu Strategije za borbu protiv korupcije 2024-2028

IZJAVA O SVRSI Usvajanje Strategije za borbu protiv korupcije 2024-2028 i pratećeg Akcijskog plana

OPIS TIJEKA KONSULTACIJA

Metode konsultacija	Statistika
Online konsultacije	Broj učesnika: 1
Datum početka 27.3.2024	Broj komentara: 0
Datum kraja 11.4.2024	Broj prijedloga: 6
	Broj prihvaćenih i djelimično prihvaćenih prijedloga: 3

ZAKLJUČAK:

U procesu provedbe konsultacija na Nacrt Strategije za borbu protiv korupcije 2024-2028. i Akcijskog plana za provedbu Strategije za borbu protiv korupcije 2024-2028. bila su registrirana tri sudionika a zaprimljeno je 0 komentara i šest prijedloga. Radi davanja jasnijeg pregleda pristiglih prijedloga, moramo naglasiti da se u okviru šest navedenih prijedloga, nalazio veći broj prijedloga od kojih su se neki ponavljali u više navrata. Analizirajući pristigle prijedloge, tri prijedloga su djelomično prihvaćena i ugrađena u Nacrt Strategije za borbu protiv korupcije 2024-2028. i Akcijskog plana za provedbu Strategije za borbu protiv korupcije 2024-2028. Ostala tri prijedloga nisu uvažena zbog razloga neprimjenjivosti, neadekvatnog unosa prijedloga u predviđene rubrike ali i činjenice da su pojedini prijedlozi bili u formi konstatacije bez odgovarajućeg konkretnog prijedloga.

VODITELJ KONSULTACIJA

Igor Ćorluka

Sarajevo, dana 23.5.2024

Koordinator konsultacija

Za Sonja Vujičić

Prikupljeni prijedlozi i komentari na dokument iz online konsultacija

Prijedlozi i komentari na Tri strateška cilja 1

Prijedlozi:

1. STRATEŠKI CILJ 1: OJAČATI SISTEM PREVENCIJE I KOORDINACIJSKIH MEHANIZAMA Strateški program 1.1. Jačanje kapaciteta institucija Prijedlog TI BiH: Detaljnije obrazložiti Strateški program 1.1. Jačanje kapaciteta institucija, uključujući direktno navođenje preporuka relevantnih domaćih i međunarodnih tijela. Obrazloženje: Opisi strateških programa nisu strukturirani na isti način. Neki od strateških programa su detaljno opisani i sadrže analize i preporuke relevantnih domaćih i međunarodnih tijela. Sa druge strane, ovaj strateški program nije detaljno obrazložen. "U kontekstu poboljšanja normativnog okvira, a sa ciljem učinkovitije borbe protiv korupcije, ovaj strateški program će osigurati pokretanje niza inicijativa za usvajanje ali i izmjene i dopune zakona kao što su: Zakon o Agenciji za prevenciju korupcije i koordinaciju borbe protiv korupcije, Zakon o zaštiti lica koje prijavljuju korupciju u institucijama BiH, Zakon o transparentnosti vlasništva nad medijima, Zakon o oduzimanju i upravljanju imovinom, Zakon o finansiranju političkih stranaka u BiH, Izborni zakon BiH i drugih." Prijedlog TI BiH: Konkretizovati na koji način će se unapređenjem zakonskog okvira ojačati kapaciteti institucija. Navesti i entitetsko zakonodavstvo koje je neophodno uskladiti u procesu usklađivanja antikorupcijskog zakonodavstva na teritoriji BiH sa međunarodnim obavezama i preporukama i u kojem pravcu bi trebali ići izmjene. Obrazloženje: Predlagač u tekstu ovog strateškog programa navodi samo zakone na nivou BiH, ne tretirajući entitetsko zakonodavstvo. Zbog toga je neophodno konkretnije pojasniti kako će unapređenje zakonskog okvira ojačati kapacitete institucija i pojasniti koji entitetski zakoni se moraju uskladiti sa međunarodnim obavezama i preporukama (npr. Zakon o zaštiti prijavilaca korupcije u FBiH, i sl.). "U tom smislu, ovaj strateški program predviđa niz mjera i aktivnosti koje se odnose na unapređenje zakonodavnog okvira koji reguliše oblast sukoba interesa, održavanje redovnih obuka iz navedene oblasti za imenovane i izabrane zvaničnike i njihove savjetnike." Prijedlog TI BiH: Nakon riječi "unapređenje" dodati "i usklađivanje". Strateški program 1.3. Etično poslovanje u privatnom sektoru "...Sve navedeno upućuje da je neophodno aktivno uključivanje privatnog sektora u kreiranje i provođenje antikorupcijskih politika u svim segmentima poslovanja." Prijedlog TI BiH: Konkretizovati na koji način se planira uključiti privatni sektor u kreiranje i provođenje antikorupcijskih politika u svim segmentima poslovanja. Strateški program 1.4. Odgovorno upravljanje javnim finansijama "Novi strateški okvir za javne nabavke za period 2024 - 2028. donesen je sredinom mjeseca marta 2024. godine, i pretpostavlja da sistem javnih nabavki u BiH bude moderan, transparentan, konkurentan i efikasan, kao i usklađen sa EU pravnim poretom. Sa aspekta antikorupcijskih politika, kroz ovu strategiju uvode se mjere za jačanje integriteta i borbe protiv korupcije, te općenito osigurava preventivni pristup." Prijedlog TI BiH: Dodati da novi strateški okvir predviđa i usvajanje Novog zakona o javnim nabavkama. Strateški program 1.5. Participacija društva "Institucije u BiH bi trebale nastaviti sa provođenjem Standarda proaktivne transparentnosti kako bi omogućili građanima, organizacijama civilnog društva, akademskoj zajednici i medijima uključenost u borbu protiv korupcije i ostvarili saradnju sa njima." Prijedlog TI BiH: Izmijeniti "Standarda proaktivne transparentnosti" sa "Zakona o slobodi pristupa informacijama na nivou institucija BiH". Obrazloženje: Proaktivna transparentnost je regulisana novim Zakonom o slobodi pristupa informacijama na nivou institucija BiH iz 2023. Godine. "Da bi se unaprijedilo okruženje za djelovanje civilnog društva generalno, a pogotovu na polju borbe protiv korupcije, treba osigurati pretpostavke za institucionalno postupanje sa ciljem osiguravanja sloboda izražavanja i medijskog prostora." Prijedlog TI BiH: Konkretizovati pretpostavke za institucionalno postupanje sa ciljem osiguravanja slobode izražavanja i medijskog prostora. Obrazloženje: Osiguranje slobode izražavanja i medijskog prostora dio su prioriteta iz Mišljenja Evropske komisije o aplikaciji BiH za članstvo u EU iz 2019. Godine. Dio ovih prioriteta je naveden i u preporuci Evropske komisije Evropskom vijeću o otvaranju sa pregovora kada se poduzmu svi relevantni koraci, među kojima i: "7. Garantovati slobodu izražavanja i medija i zaštitu novinara, posebno osiguravanjem odgovarajućeg sudskog postupka u slučajevima prijetnji i nasilja nad novinarima i medijskim djelatnicima". Uzimajući u obzir da je u ostvarenju ovog prioriteta, odnosno koraka urađeno malo ili ništa, predlagač treba konkretizovati mjere u ovom Nacrtu. AKCIJSKI PLAN Strateški program 1.1. Jačanje kapaciteta institucija Prijedlog TI BiH: U okviru Strateškog programa 1.1. Jačanje kapaciteta institucija dodati dvije aktivnosti: Promovisanje izgradnje i jačanja institucionalnog integriteta, kroz korištenje različitih alata i instrumenata (uvođenje standarda, samoprocjena, nezavisnih procjena, itd.), kao podrška institucionalizaciji upravljanja integritetom u institucijama - nosilac APIK; Izrada analiza rizika za pojavu korupcije po sektorima, kao osnove za unapređenje prevencije od korupcije u odgovarajućim sektorima - nosilac APIK; Obrazloženje: Uvažavajući Misiju i Strateški cilj Strategije, koji se fokusiraju na prevenciju korupcije, TI BiH predlaže dodatne dvije mjere usmjerene na prevenciju. Ovakva vrsta mjera, u komparativnoj perspektivi odnosno u praksi drugih